



府州沿革簡稿

二

庫	文	閣	內
九		一八〇五	和
三		冊	書
函			
二			
架			



僧道冠子類新書内

内閣文庫		
番號	和	18105
冊數	118 (109)	
函號	193	86



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak



山東所東右泰山



府州沿革卷之二

淺草文庫

濟南府○名勝志曰春秋齊地漢文帝分齊部五濟南國以有濟水之南而名○志曰禹貢青州之域天文危分野春秋戰國並為齊地秦屬齊郡漢初屬齊國文帝分置濟南國景帝改為濟南郡東漢仍為國俱治東平陵晉後治歷城劉宋割青州西部於此僑立冀州後魏改為齊州兼置濟南郡隋初罷郡存州後改為齊郡唐復為齊州天寶初改為臨淄郡尋改為濟南郡乾元初復為齊州宋陞為興德軍又陞為濟南府金因之元改為濟南路

明復改爲濟南府領州四縣二十六

○泰安州志曰有府城南一百八十里漢爲奉高及博縣地屬泰山郡隋廢郡改奉高曰岱山改博縣曰汝陽後又改汝陽曰博城以岱山省入唐於縣置泰州後廢改博城曰乾封宋徙縣治於此又改奉符縣金置泰寧軍又改泰安軍尋改爲州元初屬東平路後隸省部明屬濟南以奉符縣省入編戶六十六里領縣二

○德州志曰有府城西北二百八十里本秦齊郡地漢析置平原郡治平原縣東漢及魏晉俱爲平原

國後魏改爲郡又置安德郡隋置德州後爲平原郡唐置德州尋改平原郡乾元初復爲德州治安德縣五代晉移治長河縣宋復移治安德元因之明洪武初省安德縣入州尋廢舊治爲陵縣而徙州治陵縣城編戶三十二里領縣二

○武定州志曰有府城東北七十里秦爲齊郡地漢爲平原渤海二郡地三國魏分置樂陵郡晉爲樂安樂陵二國地隋置棗州治陽信縣後罷唐復置治樂陵又移治厭次天寶初改爲樂安郡乾元初復爲州五代梁徙治城東南宋復徙於此元置濱

隶路後改隶州屬濟南明洪武六年改爲樂安州以厭次縣省入宣德元年改爲武定州編戶九十八里領縣四

○濱州志曰有府城東北三百五十里春秋時齊地漢爲千乘郡地晉屬樂陵國隋屬渤海郡唐屬樂安郡五代唐置推鹽務漢改瞻國軍周改濱州治渤海縣元合隶州爲濱隶路至元初復爲州明洪武初以渤海縣省入編戶七十八里領縣三

兗州府○志曰禹貢徐兗二州之域天文奎婁分野春秋時爲魯國戰國屬楚秦爲薛郡漢爲魯國及

泰山山陽郡地東漢爲任城國山陽泰山郡地兼置兗州晉改爲魯郡劉宋元嘉末復置兗州於瑕丘北齊改爲任城郡隋罷郡爲兗州大業初改爲魯郡唐爲兗州天寶初又爲魯郡乾元初復爲兗州後陞泰寧郡五代周復爲州宋初復爲泰寧軍重和初改爲襲慶府金仍爲兗州後爲泰寧軍又改泰定軍元初復爲兗州隸濟寧路明初因之洪武中陞爲兗州府領州四縣二十三

○曹州志曰有府城西三百里古豫州之域周武王封弟振鐸爲曹國戰國屬齊漢爲濟陰郡地晉爲

濟陽郡後魏於郡東北置西兗州治定陶城後徙治此後周改爲曹州隋改爲濟陰郡治濟陰縣唐復爲曹州天寶初改濟陰郡乾元初復爲州五代晉置威信軍周改彰信軍宋爲興仁府金復爲曹州大定末河決徙治州東北七十里明洪武四年改爲縣正統十一年復置曹州於古曹國隸兗州府編戶二十九里領縣二

○濟寧州志曰有府城西六十里古徐州之域春秋時屬魯戰國屬宋秦屬碭郡漢屬山陽郡晉爲高平及任城國地劉宋屬濟北郡後魏置濟州於稿


礮城隋改爲濟北郡唐初復爲濟州後廢五代周復置濟州治鉅野金徙治任城元初還治鉅野後陞爲濟寧路而於任城置濟州至正中省濟州而徙路治任城明洪武元年改路爲府十八年改府爲州以任城縣省入屬兗州府編戶五十二里領縣三

○東平州志曰有府城西北一百五十里春秋時爲潁句國戰國屬宋秦屬碭郡又爲薛郡地漢爲東平國後爲濟東國又改大河郡東漢仍爲東平國後魏爲東平郡後周置魯州隋置鄆州後改東平

郡唐復鄆州天寶初改東平郡元和中置天平軍
宋徙治州故城政和初改東平府元改為東平路
明洪武初復改為府八年降為州以瀕城縣省入
屬濟寧府十八年改今屬編戶二十六里領縣五
○沂州志曰有府城東三百六十里本齊魯二國之
境秦漢晉皆為琅琊郡地後魏於此置北徐州後
周改沂州以城臨沂水故名隋置臨沂縣改州為
琅邪郡唐復為沂州天寶初改琅邪郡乾元初復
為沂州宋金因之元屬益都路後以臨沂縣省入
明洪武初改屬濟寧府又改屬濟南府十八年改

今屬編戶一百三十二里領縣二

東昌府○志曰禹貢兗州之域天文危室分野春秋
時齊西部聊攝地戰國為魏齊趙三國之境秦漢
為東郡地曹魏隸平原郡晉因之劉宋嘗置魏郡
後魏置南冀州及平原郡治聊城未幾州廢隋初
郡廢後置博州大業初州廢唐初復置天寶初改
為博平郡乾元初復為博州五代晉徙治瑣陵宋
屬河北東路淳化間移今治金屬大名府路元初
隸東平路至元初折為博州路尋改為東昌路明
改為東昌府領州二縣十六



○高唐州志曰有府城東北一百二十里本春秋齊之高唐邑漢始置縣屬平原郡後魏置南清河郡北齊罷郡隋初以縣屬貝州後屬清河郡唐改爲崇武縣後復爲高唐縣屬博州五代梁改魚丘縣後唐復舊晉改齊城縣漢復爲高唐縣宋金仍屬博州元初屬東平至元中改爲州明省縣入州編戶三十四里領縣三

○濮州志曰有府城西南二百里古顓頊之墟曰帝丘夏爲昆吾氏所居春秋衛成公遷郡此地漢置郵城縣屬濟陰郡東漢末於此置兗州晉析置濮

陽郡隋置濮州尋廢唐復置天寶初改爲濮陽郡乾元初復爲濮州治郵城宋仍舊金屬大名府路元直隸省部明省甄城縣入州屬東昌府景泰三年以河患徙治王村編戶二十二里領縣三

青州府○志曰禹貢青州之域天文虛危分野周禮正東曰青州蓋以土居少陽其色青故以名州武王封太公望於此爲齊國秦置齊郡漢分置北海郡屬青州東漢爲齊北海樂安三國地以青州治臨淄魏爲益都城晉爲齊樂安二國安帝時廣陵僑立南青州故於青州加北字劉宋省南青州乃

去北字仍曰青州後魏治東陽又改益都郡後周
 改爲齊郡隋復爲青州尋改北海郡唐初爲青州
 後改北海郡乾元初復爲青州又陞平盧軍節度
 宋改鎮海軍金爲益都府元改益都路明改青州
 府領州一縣十三

○莒州志曰有府城南三百里古莒子國漢置莒縣
 爲城陽國治東漢屬琅邪國魏於莒縣置城陽郡
 晉及後魏以縣屬東莞郡北齊屬東安郡後周置
 莒州隋罷州以縣屬琅琊郡唐置莒州後罷宋以
 縣屬密州金後置莒州治莒縣元仍舊明改今屬


當百府之西

省莒縣入焉編戶二百八里領縣二

登州府○志曰禹貢青州之域天文危分野古爲斟
 尋國唐虞時爲峒夷地春秋時爲牟子國戰國屬
 齊秦爲齊郡地漢屬東郡後魏析東萊郡地於黃
 縣東中郎故城置東牟郡北齊省東入長廣郡自
 昌陽縣移長廣郡治中郎城隋初廢郡置牟州大
 業初州廢唐復置牟州治牟平又置登州治文登
 負觀間二州俱廢神龍間徙治蓬萊縣天寶初改
 州於東牟郡乾元初復爲登州屬河南道宋屬京
 都路金屬山東東路元初屬益都路後屬般陽路

明初屬萊州府洪武九年陞為登州府領州一縣七
 ○寧海州志曰有府城東二百二十里本漢東牟縣
 屬東萊郡北齊移縣治於黃縣東北七十五里屬
 長廣郡隋改郡為牟州仍以牟平為屬縣唐初州
 縣俱廢後折文登縣復置牟平縣又於縣置登州
 神龍中徙州治於蓬萊縣金時劉豫於牟平縣置
 寧海軍金改軍為州元置隸省部明初以牟平省入
 寧海屬萊州府洪武九年改今屬編戶八十二里領縣一
 萊州府○志曰禹貢青州域天文危分野古萊夷地
 春秋為萊子國齊侯遷萊子于郟在國之東故曰

東萊秦屬齊郡漢始折置東萊郡治掖縣屬音州
 東漢徙治黃縣晉改東萊國復治於掖劉宋仍改
 為郡徙治曲城後魏分青州置光州領東萊郡同
 治於掖隋初罷郡改光州為萊州後復為東萊郡
 唐為萊州天寶初改東萊郡乾元初復為萊州宋
 屬京東東路金於州置定海軍元初廢軍以州屬
 益都路後屬般陽路明洪武九年陞為萊州府領
 州二縣五
 ○平度州志曰有府城南一百里漢有平度縣屬東
 萊郡東漢置膠東縣屬北海國晉屬濟南郡後魏



屬北海郡隋改為膠水縣屬東萊郡唐宋金元並屬萊州明洪武中陞縣為平度州屬萊州府編戶一百三十六里領縣三

○膠州志曰有府城南二百二十里本春秋介國地漢為黔陬縣地屬瑯琊郡晉屬城陽城後魏置膠州取境內膠水為名隋置膠西縣以黔陬縣省入唐省州入高密縣宋置臨海軍金改為膠西縣屬密州元復置膠州屬益都路明省縣入州以改今屬編戶九十三里領縣二

開封府○志曰禹貢兗豫二州之域天文角亢氐野

有嵩岳

春秋鄭衛陳三國之境戰國魏都於此號為大梁秦為三川郡地漢為陳留郡地晉改為陳留國東魏廢國置梁州及陳留開封二郡北齊以開封省入陳留郡後周改梁州為汴州隋初廢陳留郡州如故大業初廢州以其地併入滎陽梁潁川等郡唐武德初於此置汴州天寶初復改為陳留郡乾元初改為汴州興元初自宋州徙宣武軍於此五代梁都於此號為東京置開封府後唐復為汴州及宣武軍晉漢周皆為東京開封宋因之金以此為汴京貞元初又改為南京宣宗南遷復都焉元

初改爲南京路至元中又改爲汴梁路明洪武元
 年仍改開封府領州六縣三十六
 ○歸德州志曰有府城東三百五十里本古商丘湯
 所居亳邑地周封微子於此爲宋國秦爲碭郡地
 漢爲睢陽縣屬梁國隋置宋州改縣曰宋城大業
 初改州曰梁郡唐初爲宋州復爲睢陽郡五代梁
 置宣武軍唐改歸德軍宋陞爲南京應天府治宋
 城金改府曰歸德復改宋城曰睢陽元因之明降
 爲州以睢陽縣省入編戶一十二里領縣五
 ○睢州志曰有府城東一百八十里春秋時宋陳地

秦置襄邑縣漢屬陳留郡北齊併襄邑入雍丘隋
 復置襄邑屬宋州唐屬杞州後仍舊宋州宋屬應
 天府崇寧間建拱州以爲東輔大觀中廢拱州後
 復置金改睢州元因之並以襄邑縣爲附郭明省
 入州編戶二十一里領縣二

○陳州志曰有府城東南三百五十里古伏羲所都
 周封舜後於此爲陳國秦爲潁川郡地漢置陳縣
 淮陽國治此晉於此置潁州後魏置陳郡又置北
 揚州治項縣北齊改爲信州後周改曰陳州隋廢
 陳郡改縣曰宛丘後改州爲淮陽郡唐復爲陳州



五代晉爲鎮安州周爲鎮安軍宋宣和初陞淮寧府金元復爲陳州並以宛丘縣爲附郭明省縣入州編戶一十四里領縣三

○許州志曰有府城西南二百二十里周爲許國秦屬潁川郡漢爲韓國尋置許縣屬潁川郡東漢末獻帝都於此曹魏改曰許昌晉徙潁川郡治此北齊於此置南鄭州後周改許州治長社縣隋改縣因潁川州爲潁川郡唐復爲許州長社縣五代梁置匡國軍唐改忠武軍宋陞潁昌府金復爲許州昌武軍元爲許州屬河南路明以長社縣省入改

今屬編戶二十六里領縣四

○鄭州志曰有府城一百四十里周管叔鮮封于此後爲鄭國秦屬三川郡漢屬河南郡東漢分滎陽郡後魏爲東桓農郡東魏置廣武郡後周置滎州後改爲鄭州隋爲管城縣置管州後改爲鄭州尋爲滎陽郡唐初於武牢置鄭州貞觀中移治管城天寶初又改爲滎陽郡乾元初復鄭州宋置奉寧軍今復爲鄭州元因之明以管城縣省入編戶三十一里領縣四

鄆德府○志曰禹貢冀州之域天文室壁分野商河

亶甲居相即此春秋為晉之東陽地戰國為魏之
 鄴地秦為上黨邯鄲二郡地漢置魏郡治鄴東漢
 末冀州徙治鄴魏曹操受封於此後稱為鄴都晉
 仍為魏郡屬冀州後趙石虎前燕慕容皝並都之
 後魏於此置相州東魏靜帝徙都之改曰司州北
 齊武帝又都之改為清都尹後周復改為相州及
 魏郡治安陽隋初罷郡為相州大業初復改魏郡
 唐為相州天寶初改鄴郡乾元初復為相州五代
 梁置昭德軍節度晉改彰德軍宋復為相州屬河
 北道金陸彰德府元改彰德路明改彰德府領州

一縣六

○磁州志曰有府城北七十里本秦邯鄲郡地漢為
 魏郡武安縣地後魏折置臨水縣後周割臨水置
 滏陽縣及成安郡隋罷郡於滏陽置磁州後罷唐
 改為惠州後復為磁州宋以昭義縣省入滏陽元
 初陞為滏源軍節度屬廣平路後復為磁州明并
 省滏陽縣入滏及改今屬編戶三十八里領縣二
 衛輝府○志曰禹貢冀州之域天文室壁分野本殷
 紂所都朝歌之地周武王克殷分其北為邶南為
 鄘東為衛後封康叔於衛春秋時邶鄘入之戰國

屬魏秦屬河東郡漢為汲縣地屬河內郡曹魏置
朝歌郡屬冀州晉改汲郡後魏徙郡治枋頭城而
於此置義州後周改衛州隋大業初改汲郡唐武
德初復為義州尋復改衛州天寶初又為汲郡乾
元初復為衛州屬河北道宋因之金改河平軍徙
治昨城元改衛輝路還治汲縣明改為衛輝府領
縣六

懷慶府○志曰禹貢冀州覃懷之地天文室壁分野
商為畿內地周初為三監及邶鄘衛地後屬晉戰
國時又為魏衛鄭三國地秦為三川河南二郡之

北境漢初為殷國尋改河內郡晉為河內汲二郡
地後魏置懷州兼置河內郡隋初郡罷州存大業
初廢州復置河內郡唐初置懷州治野王城天寶
初改為河內郡乾元初復為懷州屬河北道宋屬
河北西路金改為南懷州又置沁南軍元初復為
懷州改懷孟路延祐中改懷慶路明改為懷慶府
領縣六

河南府○志曰禹貢豫州之域天文柳分野武王克
商定鼎於郊鄘成王營洛為王城下都至平王自
鎬京東遷乃居王城秦置三川郡漢置河南郡東

洛陽

漢都於此置河南尹兼置司隸三國魏置司州晉亦都此置河南尹司州如故符秦改爲豫州劉宋初仍置司州後魏改爲洛州孝文自代徙都之又改司州亦爲河南尹東魏改司州爲洛州改河南尹爲河南郡西魏又改爲司州北齊爲洛州後周爲東京隋初罷郡爲洛州煬帝徙都于此改豫州尋改河南郡唐初復爲洛州置都督府開元初改河南府初高宗以此爲東都光宅初改神都神龍初復爲東都天寶初又改東京五代梁爲西都唐改東都晉改西京宋因之金置德昌軍興定初號

中京置金昌府元爲河南路明改爲河南府領州一縣十三

○陝州志曰有府城西三百里周爲魏國地王季子魏仲封於此周召分治東西以陝爲界卽此春秋時屬晉後屬韓韓滅入秦漢置陝縣爲弘農郡治魏晉因之後魏始置陝州隋大業初州廢以縣屬河南郡後復置弘農郡唐初復爲陝州天寶初改陝府乾元初改陝郡昭宗時陞爲唐興府哀宗初置保義軍宗改保平軍金復爲陝州又改西安軍元仍爲陝州明以陝縣省入編戶三十四里領縣

三

南陽府○史記秦置三十六郡南陽其一也以地有中國之南而居陽為各其先屬韓○戰國策蘇秦說韓曰北有成臯之固西有商阪之阻東有宛穰九百餘里即此地矣志曰禹貢豫州之域天文張分鄧本夏禹之國在周為申伯鄧侯之封春秋時併於楚戰國屬韓秦取韓地自漢江以北置南陽郡治宛以其在中國之南而居陽地故曰南陽漢因秦制領於荊州刺史光武起兵春陵更始立於涓水皆此地晉為南陽國宋齊並為南陵郡後魏

於穰縣置荊州以郡屬焉隋初罷郡置鄧州治穰改宛為南陽縣唐初於南陽縣置宛州尋罷五代至宋因之金置申州元陞為南陽府明因之領州三縣十

○鄧州志曰有府城西南一百二十里本春秋時鄧侯國秦為穰邑漢為穰縣屬南陽郡後魏為南陽郡治又於此置荊州隋初罷郡改荊州為鄧州大業初復改南陽郡唐為鄧州天寶初改南陽郡乾元初復為鄧州五代梁置宣化軍節度唐改威勝軍周改武勝軍宋復為鄧州屬襄陽府金屬開封

府元屬南陽府明以穰縣省入編戶七里領縣二
 ○裕州志曰有府城東北一百一十里本春秋時楚
 之方城漢為堵陽業二縣地屬南陽郡東漢為順
 陽縣西魏置方城縣及襄邑郡隋初廢郡以縣屬
 滑州唐初於此置北澧州貞觀中改滑州尋罷州
 ○以縣屬唐州宋仍舊金始置裕州治方城元屬南
 陽府明以方城縣省入編戶一十六里領縣二
 ○汝州志曰有府城北三百七十里周為王畿地春
 秋為蠻子邑戰國屬韓後屬魏秦屬三川郡漢為
 河南郡梁縣地三國魏屬無陽郡晉屬河南襄城

二郡後魏屬汝北魯陽二郡東魏置北荊州後周
 改曰和州隋改汝州以汝水為名尋改襄城郡治
 承休縣唐復為汝州改承休為梁縣天寶初改州
 ○為臨汝郡乾元初復為汝州五代因之宋置陸海
 軍節度金廢軍州縣仍舊元屬河陽府明以梁縣
 省入編戶八十四里領縣二
 汝寧府○名勝志曰春秋沈蔡二國地後併故後周
 于此置蔡州志曰禹貢豫州之域天文角亢氏分
 野秦屬潁川郡漢置汝南郡劉宋立司州號其城
 曰縣瓠後魏改為豫州東魏置行臺後周置總管

府後改舒州尋復曰豫州又改爲濠州後改蔡州
汝南郡如故隋初廢郡大業初廢州復爲汝南郡
治汝陽縣唐初置豫州天寶初改汝南郡乾元初
復爲豫州寶應初仍改蔡州宋爲淮康軍節度使
金改鎮南軍元爲蔡州後陞汝寧府明因之領州
一縣十一

○光州志曰有府城東三百里本禹貢揚州之域春
秋爲弦黃蔣三國地戰國屬楚秦屬九江郡漢屬
汝南江夏二郡三國魏析置弋陽郡晉屬弋陽汝
陰二郡宋齊屬光城弋陽新業三郡梁末置光州

治光州縣隋改弋陽郡唐後爲光州徙治定城天
寶初改弋陽郡復爲光州宋陞光山軍節度後改
蔣州尋復光州元屬汝寧府省定城縣入秀明初
改屬鳳陽府洪武十三年仍屬汝寧府編戶一十
七里領縣三

西安府○志曰禹貢雍之域天文井鬼分野周爲王
畿地秦置內史以領關中漢初置渭南郡尋罷郡
復置內史景帝分置左右內史此爲右內史武帝
改京兆尹與左馮翊右扶風爲三輔東漢於此置
雍州尋罷三國魏改爭爲守晉置雍州理京兆未

長安 終南山
山太白峰在長安
南

幾為劉石符姚所據後魏仍置雍州西魏後周皆
置京兆尹隋初置雍州尋改為京兆郡唐初復為
雍州又改京兆郡尋復雍州開元初改京兆府自
周秦漢晉西魏後周隋唐並都於此唐末為佑國
軍五代梁改永平軍後唐復為京兆府晉改曰晉
昌漢改曰永興宋仍京兆府屬永興軍路今屬京
兆府路元改安西路後改奉元路明洪武初改為
西安府領五縣二十八

○同州志曰有府城東北一百八十里周為大荔國
秦為內史地漢初置河上郡後為左內史武帝時

改左馮翊三國魏為馮翊郡後魏兼置西華州西
魏改為同州取禹貢澧水攸同之義隋罷州復置
馮翊郡唐初復為同州治馮翊縣天寶初復為馮
翊郡乾元初復為同州後改匡國軍五代梁改志
武軍後唐復舊宋改定國軍屬永興路金屬京兆
府元仍為同州以馮翊縣省入明因之編戶三十
九里領縣五

○華州志曰有府城東二百里周時鄭桓公始封於
此其地亦名咸林秦為內史地漢魏晉並為京兆
弘農二郡地後魏置華山郡又改東雍州西魏改

為華州隋省後置華山郡唐復為華州垂拱初改大州天寶初改華陰郡後復為華州乾寧中陞與德府又為鎮國軍五代梁改威化軍唐復鎮國軍宋改鎮潼軍金改金安軍元復為華州後以鄭縣省入明因之編戶四十九里領縣四

○耀州志曰有府城北一百八十里秦為內史地漢為葭州縣地東漢三國後魏置北雍州西魏改宜州隋為宜君郡治華原縣唐廢置不一天祐初立耀州建義勝軍五代梁改曰崇州及改靜勝軍唐復為耀州名順義軍宋初為威義軍改威德軍金

仍為耀州元以華原縣省入明因之編戶一十八里領縣三

○乾州志曰有府城西北一百八十里秦為內史地漢為左馮翊池陽縣地晉屬扶風郡後魏為咸陽郡寧尼縣地隋改寧尼為醴泉屬京兆郡唐折醴泉等五縣地置奉天縣又置乾州以郡在長安之乾隅故名五代梁為威勝軍唐復為乾州屬鳳翔府宋罷政和中復置改為醴州金元仍為乾州明因之以奉天縣省入編戶二十七里領縣三

○邠州志曰有府城西北三百五十里古西戎地後

公劉所居為豳國地秦屬內史漢為右扶風北地安定三郡地東漢置新平郡治漆縣後魏置南豳州後廢北豳州遂去南字陪省豳州義寧初置新平郡唐初復為豳州尋改邠州天寶初復為新平郡乾元初復邠州陞靜難軍宋屬永興路金屬熙河路元屬鞏昌路後屬陝西行省明改今屬以新平宜祿二縣省入編戶二十七里領縣一

鳳翔府○志曰禹貢雍州之域天文井鬼分野周為岐周地春秋戰國為秦地始皇并天下以屬內史漢初更內史名中地郡後復故景帝分屬右內史

武帝更曰右扶風與京兆左馮翊為三輔三國魏為扶風郡晉為秦國後魏置秦平郡又於郡東置雍城鎮後改鎮為岐州西魏為岐陽郡隋初為岐州大業初改為扶風郡唐初復為岐州天寶初改扶風郡至德初改鳳翔郡尋改鳳翔府號西京寶應間罷京名屬關內道五代時屬關西道宋仍為府屬秦鳳路金置天興軍屬陝西西路元為鳳翔路明為鳳翔府領州一縣七

○隴州志曰有府城西一百八十里周為岐隴之地春秋屬秦國秦并天下屬內史漢為汧縣屬右扶

作諸定字前卷
州治

風晉廢後魏於汧源縣界置隴東郡後改東秦州
西魏改隴州因山為名後周省入岐州尋復置隋
省入扶風郡復置隴東郡唐改汧陽郡後復為隴
州治汧源縣宋屬秦鳳路金屬鳳翔路元屬鞏昌
總帥府明以汧源縣省入改今屬編戶一十八里
領縣一

漢中府○志曰禹貢梁雍二州之域天文井鬼翼軫
分野春秋戰國時屬秦與楚秦置漢中郡漢高祖
初為漢王都南鄭即此武帝分隸益州部東漢末
為張魯所據改漢中曰漢寧曹魏復為漢中郡尋

入蜀漢後又屬魏置梁州晉陷於蜀桓溫平蜀後
置梁州未幾又陷於符秦宋齊梁及後魏皆以梁
州治漢中郡後周改為漢川郡隋初郡廢州存太
業初州廢為漢中郡唐初復為梁州開元中改曰
褒州尋復舊名天寶初又改為漢中郡乾元初復
為梁州德宗陞為興元府唐末蜀王氏孟氏繼有
其地宋平蜀仍為興元路明洪武三年改漢中府
領州一縣十二

○金州志曰有府城東南六百四十里周為庸國地
春秋戰國並屬楚秦屬漢中郡東漢末分置西城

百五十五頁
州治

郡曹魏改魏興郡梁改為東梁州西魏以其地出
益改金州隋改西成郡唐復為金州天寶初改安
康郡至德初改漢南郡乾元初復為金州又置昭
信軍改昭戎軍王建據蜀改雄武軍宋改昭化軍
紹興以後屬利州路元屬興元路明屬漢中府編
戶四里領縣四

平涼府○志曰禹貢雍州之域天文井鬼分野春秋
為朝那故地秦屬北地郡漢析置安定郡治高平
晉徙治臨涇後魏於潘原縣置武州屬太平郡後
周屬原州隋以安定郡治安定縣又析置平涼郡

治平高唐初屬原州元和中以原州平涼縣置行
渭州後陷於吐蕃中和間復置宋為涇原路經略
安撫使治所政和中置平涼軍金元皆為平涼府
明因之領州二縣八

○涇州志曰有府城東一百五十里秦屬北地郡漢
晉皆屬安定郡後魏始置涇州取涇水為名隋大
業初改安定郡治安定縣唐復為涇州改縣為保
定縣天寶初改州為安定郡後復為涇州宋改彰
化軍金復為涇州改縣曰涇川屬平涼府元仍舊
明因之以涇川縣省入編戶二十七里領縣一

○靜寧州志曰有府城西二百三十里本滑州灤干城宋慶曆中置德順軍屬秦鳳路元祐中又置灤干縣爲附郭金改軍爲州元初因之後省灤干改爲靜寧州屬鞏昌路明改今屬編戶一十二里領縣二鞏昌府○志曰禹貢雍州之域天文井鬼分野春秋戎羗所居秦屬隴西郡東漢靈帝時分立南安郡三國魏隴西郡治襄武南安郡治獬道晉仍舊後魏爲隴西南安陽三郡兼置渭州後周併爲南安郡隋廢後復置隴西郡唐置渭州天寶初改隴西郡寶應後陷于吐蕃宋皇祐中以渭州地置古

○衛寨熙寧中改通遠州崇寧中改鞏州金始爲鞏昌府元初改鞏昌路明洪武三年改爲鞏昌府領州三縣十二
○秦州志曰有府城東三百里本西戎地周孝王封非子於此秦屬隴西郡漢置天水郡治平襄東漢改漢陽郡治冀三國魏置秦州晉改漢陽爲天水郡治上邦尋廢復置秦州宋齊復爲天水郡隋廢郡爲秦州大業初復爲天水郡唐復爲秦州天寶初改天水郡乾元初復爲秦州後復治成紀宋開禧初爲天水軍治天水縣金爲鎮遠軍治成紀元

復為秦州以成紀縣省入明因之編戶四十九里
領縣二

○階州志曰有府城南八百里戰國白馬氏所居漢
武以其地為武都郡後魏置武都鎮西魏置武階
郡又置武州後周為武都郡又改永都郡隋復置
武都郡唐復為武州天寶初改武都郡乾元初復
為武州景福初改曰階州宋初隸秦鳳路後隸利
州路元移治柳樹城以福津將利二縣省入明因
之編戶二十一里

○徽州志曰有府城東四百八十里春秋時氏羗所

居秦為隴西郡地漢為河池縣屬武都郡晉隱於
氏羗後魏置廣化郡及縣隋初郡廢以縣屬鳳州
仁壽初復名河池縣唐宋因之元於此置南鳳州
至元初改為徽州以河池及永寧縣省入屬鞏昌
明因之編戶六里領縣一

臨洮府○志曰禹貢雍州之域天文井鬼分野春秋
戰國時西羗所居秦置隴西郡漢因之晉折置狄
道郡劉宋置武始郡後魏置臨狄郡後周廢隋復
置武始郡屬蘭州後改金城郡唐天寶初置臨州
久視中置臨洮軍寶應初陷于吐蕃號武勝軍宋

石島

復改爲鎮洮軍尋改熙州治狄道縣金改熙州爲臨府元爲臨洮府明因之領縣四

慶陽府○志曰禹貢雍州之域天文井鬼分野周之先不窋所居號北函春秋時爲義渠戎國秦滅義渠以其地屬北地郡漢因之東漢至晉復陷於戎後魏置朔州後周廢隋置慶州後改爲弘化郡唐初復爲慶州天寶初改安化郡至德初改曰順化乾元初復爲慶州陞安定軍五代梁改武靜軍宋初仍爲慶州治平以後與環州爲環慶路政和中陞慶陽軍節度宣和初又陞慶陽府金初改安國

軍後改定安軍皇統初置慶原路元初復爲慶陽

府明因之領州一縣四

○寧州志曰有府城南一百五十里本公劉邑後爲

義渠戎所居秦置義渠縣始皇時爲北地郡漢爲

泥陽縣地東漢屬安定郡後魏於此置華州又改

邠州西魏改寧州合之曰邠寧後周分置趙興郡

隋改爲北地郡唐爲寧州又改彭原郡宋復爲寧

州宣和初置興寧軍金屬慶原路元屬鞏昌縣明

改今屬以安定縣省入編戶四十八里領縣一

延安府○志曰禹貢雍州之域天文井鬼分野春秋

時白翟所居秦屬上郡漢初屬翟國尋屬上郡東漢時郡邑俱廢晉陷于戎後魏以為統萬鎮未幾置金明郡又改東夏州後改爲延州取延水爲名隋初仍爲州大業初改延安郡唐初復爲延州天寶初改延安郡乾元初復爲延州五代梁置忠義軍節度後唐改彰武軍宋初仍爲延州屬鄜延路元祐中陞爲延安府金仍舊元改延安路明復改延安府領州三縣十六正十里本公隆山外
○綏德州志曰有府城東北三百六十里本秦上郡地號陽周漢爲雕陰縣晉爲赫連勃勃所居後魏

於此置上郡又分置綏州隋改爲上州大業初廢州置雕陰郡唐初爲綏州天寶中改上郡乾元初復爲綏州宋爲綏德城元符初置綏德軍金改爲州元仍舊明因之編戶一十里領縣二
○葭州志曰有府城北五百八十里秦屬上郡漢爲西河郡周陰縣地後魏屬開光郡後周置中鄉縣屬中鄉郡隋改爲真鄉縣屬銀川郡唐屬銀州宋即葭蘆川築爲寨屬石州後陞晉寧軍金初屬汾州後陞晉寧州尋改葭州元屬延安路明因之編戶八里領縣三

杭州府○志曰禹貢揚州之天文斗分野春秋時屬吳越戰國時屬楚秦爲會稽郡地東漢屬吳郡三國吳分置東安郡治富春尋罷晉屬吳興及吳郡陳置錢唐郡隋廢郡置杭州治餘杭未幾移治錢唐大業初改州爲餘杭郡唐初復爲杭州天寶初又爲餘杭郡乾元初復爲杭州景福初號武勝軍光化初移鎮海節度治於杭置大都督府五代時爲吳越國宋爲杭州高宗南渡遷都於杭陞爲臨安府元立兩浙都督府尋改杭州路明改爲杭州府領縣九

嘉興府○志曰禹貢揚州之域天文斗分野春秋時地名長水又名檣李初爲吳越分境後爲越境魯定公時越敗吳于檣李卽此戰國時屬楚秦爲會稽郡地漢因之東漢屬吳郡三國吳於此置嘉禾縣後改嘉興晉以後因之隋廢嘉興海鹽二縣以其地屬蘇州唐復置仍屬蘇州後屬杭州五代時錢氏奏置秀州治嘉興縣宋屬浙西路政和間名爲嘉禾郡慶元初陞州爲嘉興府元置嘉興路明復爲嘉興府領縣七

湖州府○志曰禹貢揚州之域天文斗分野古爲

防風氏之國春秋時屬吳後屬越戰國時屬楚爲
菰城秦置烏程縣介於會稽鄞兩郡之間漢初屬
荊國景帝時屬江都國元符初爲會稽丹陽二郡
地東漢屬吳及丹陽郡三國吳始分置吳興郡治
烏程縣梁兼置震州陳罷州仍爲吳興郡隋初郡
廢以其地屬蘇杭二州仁壽初置湖州取太湖爲
名大業初州廢復分屬吳餘杭二郡唐復於烏程
置湖州天寶初改吳興郡乾元初復爲湖州屬江
南道乾寧中陞忠國軍節度五代吳越奏改宣德
軍宋改昭慶軍又改州曰安吉屬浙西路元置湖

州路明改爲湖州府領縣六

嚴州府○志曰禹貢揚州之域天文牛女分野春秋
時屬吳後屬越戰國時屬楚秦爲會稽鄞二郡地
漢屬會稽丹陽二郡東漢屬吳郡及丹陽郡建安
中孫吳始置新都郡晉改爲新安郡治始新隋始
罷郡爲新安縣仁壽中始置睦州大業初改爲遂
安郡治雉山縣唐初爲睦州又於桐廬別置嚴州
尋廢於睦州加東字未幾復名睦州徙治建德屬
江南道天寶初改爲新定郡乾元初復爲睦州宋
置遂安軍宣和初改州曰嚴州軍曰建德咸淳初

陞州為建德府屬浙西路元改建德路明改建安府尋改嚴州府領縣六

金華府○志曰禹貢揚州之域天文牛女分野春秋

時為越西界秦屬會稽郡漢為烏傷縣地仍屬會

稽三國吳分會稽置東陽郡治長山縣晉屬揚州

劉宋屬東揚州梁改置金華郡陳兼置縉州隋廢

縉州及金華郡以地屬吳州尋置婺州治吳寧縣

大業初廢州復為東陽郡治金華縣唐復為婺州

天寶初改東陽郡乾元初復為婺州五代晉時為

武勝軍宋仍為婺州淳化初改軍曰保寧隸浙東

路元置婺州路明改為金華府領縣七

衢州府○志曰禹貢揚州之域天文牛女分野春秋

為越西鄙姑蔑之地秦立太末縣屬會稽郡東漢

分立新安縣仍屬會稽三國吳以二縣屬東陽郡

隋廢太末入金華屬婺州唐始析婺州信安縣置

衢州天寶中改信安郡乾元初復為衢州宋屬兩

浙東路元改為衢州路明改龍游府尋改為衢州

府領縣五

處州府○志曰禹貢揚州之域天文斗分野春秋戰

國屬越秦為會稽郡地漢初為東甌國武帝時屬

會稽郡三國吳兼屬臨海郡晉屬永嘉郡隋廢郡
置處州治括蒼尋改括州大業初復爲永嘉郡唐
復立括州治麗水天寶初改縉雲郡大曆中復爲
處州宋屬兩浙東路元改爲處州路明改爲處州府領縣十
紹興府○志曰禹貢揚州之域天文牛女分野禹會
諸侯于此討功命曰會稽少康封少子無餘於會
稽以奉禹祀號曰於越春秋戰國時爲越國後爲
楚所併秦滅楚置會稽郡治於吳此地屬焉東漢
順帝時始以吳置吳郡而徙會稽郡治山陰爲會
稽國咸和中改會爲鄞劉宋置東揚州領會稽郡

又隋初郡廢改東揚爲吳州治會稽縣五代錢氏
以越爲東都宋仍爲越州紹興初始陞紹興府元
改紹興路明復爲紹興府領縣八
寧波府○志曰禹貢揚州之域天文牛女分野夏商周
皆爲越地秦置鄞鄞句章三縣屬會稽郡漢因之
三國吳及晉宋齊梁陳皆仍舊隋以鄞鄞省入句
章縣隸吳州後隸越州唐武德初折句章縣置鄞
州尋廢爲剡縣仍屬越州開元中以鄞縣置明州
天寶初改餘姚郡乾元初復爲明州屬江南道五
代時錢氏於此置望海軍宋初改奉國軍屬浙東

路紹興初置沿海制置司於此紹熙中陞州爲慶
元府元至元中改置慶元路明吳元年改明州府
洪武十四年又改寧波府領縣五
台州府○志曰禹貢揚州之域天文牛女分野春秋
戰國時爲越地秦屬閩中郡漢初屬東甌國後東
甌內徙以其地置回浦縣屬會稽郡南部都尉治
此東漢改回浦曰章安三國吳以會稽東部爲臨
海郡治臨海縣徙治章安梁改赤城郡尋廢陳置
章安郡隋罷唐置海州尋改台州因天台山爲名
天寶初改臨海郡乾元初復爲台州至德初移治

如豐陞德化軍宋仍爲台州屬浙東路元改爲公口
州路明改爲台州府領縣五
溫州府○志曰禹貢揚州之域天文牛女分野春秋
戰國時並屬越秦屬閩中郡漢初爲東甌王國後
爲會稽郡之回浦縣地東漢爲章安縣地又分置
永寧縣三國吳屬臨海郡晉置永嘉郡治永寧隋
初廢郡改縣曰永嘉屬處州大業初屬永嘉郡唐
置東嘉州後廢以縣屬台州上元初置温州以其
地恒煥少寒故名天寶初改永嘉郡乾元初復爲
温州建靖安軍五代時吳越建靖海軍宋爲應道

軍建炎初仍爲温州咸淳初陞瑞安府元改温州
路明改爲温州府領縣五
南昌府○志曰禹貢揚州之域天文斗分野春秋戰
國時爲吳楚之交秦屬九江郡漢始置豫章郡屬
揚州王莽改曰九江東漢復爲豫章郡晉元康初
置江州治此後移治武昌宋齊梁陳並爲豫章郡
隋罷郡爲洪州大業初復爲豫章郡唐復爲洪州
置都督府天寶初改豫章郡後以避諱止稱章郡
乾元初復爲洪州建中以後置爲江南西道觀察
使治所南唐遷都於此改州爲南昌府宋復爲洪

州宣和中於此置安撫使隆興初陞隆興府元置
隆興路明初改洪都府尋復爲南昌府領縣八
饒州府○志曰禹貢揚州之域天文斗分野春秋時
楚東境後屬吳戰國復屬楚秦置鄱陽縣屬九江
郡漢爲鄱陽餘汗鄱陽縣地屬豫章郡三國吳分
豫章置鄱陽郡晉治廣晉縣梁兼置吳州陳廢隋
廢鄱陽郡改置饒州以其物產豐饒故名大業初
復爲鄱陽郡唐初爲饒州屬江南西道天寶初改
鄱陽郡乾元初復爲饒州五代時南唐置永平軍
宋仍爲饒州隸江南東路元陞爲饒州路屬江浙

通志卷之七十四 地理志

行省明初改鄱陽府後改饒州府隸江西布政司
領縣六

廣信府○志曰禹貢揚州之域天文丰分野春秋戰
國迭為吳楚之地秦屬九江會稽二郡漢為豫章
郡之餘汙縣及會稽郡之大末縣地晉宋及隋屬
鄱陽東陽二郡唐折衝之王山常山饒之弋陽及
撫建二州地置信州隸江南西道五代時楊吳南
唐繼有之宋以信州隸江南東路元改置信州路
隸浙江行省明改為廣信府隸江西布政司領縣
六

南康府○志曰禹貢荊揚二州之域天文丰分野春
秋為吳楚之地戰國屬楚秦屬九江郡縣為海昏
彭澤二縣地屬豫章郡晉屬潯陽郡宋齊因之隋
唐屬江州宋太平興國中置南康軍治星子縣元
為南康路明為南康府領縣四




九江府○志曰禹貢荊揚二州之境天文丰分野
春秋時為吳楚地秦為九江郡地漢初屬淮南國
尋分屬豫章郡文帝時又分屬廬江郡東漢末其
地南境入吳屬彭澤郡北境入魏屬廬江郡後盡
入吳屬武昌郡晉為武昌鄱陽豫章三郡地永興

初置潯陽郡於此屬江州梁移江州治溢城即今
府治隋初廢郡後改州曰九江郡唐復爲江州天
寶初改潯陽郡乾元初復爲江州五代時楊吳置
奉化軍節度宋降爲軍事隸江南東路建炎初陞
爲定江軍江西安撫司治所元置江州路明改九江
府領縣五

建昌府○志曰禹貢揚州之域天文斗分野春秋時
爲吳南境戰國屬楚秦屬九江郡漢爲豫章郡之
南城縣地吳分豫章東部置臨川郡治南城隋罷
郡置撫州治臨川縣而南城屬焉唐因之南唐以

南城縣置建武軍宋改爲建昌軍元置建昌路明
初爲建昌府尋改建昌府領縣四

撫州府○志曰禹貢揚州之域天文斗分野春秋時
爲吳境後屬越戰國屬楚秦屬九江郡漢爲豫章
郡地三國吳以豫章東部置臨川郡隸揚州晉隸
江州齊臨川郡徙治南城梁復治臨汝隋罷郡置
撫州治臨川大業初改爲臨川郡唐初復爲撫州
後改臨川郡乾元初復爲撫州五代時楊吳置昭
武軍節度宋仍爲撫州隸江南西路元置撫州路
明改爲撫州府領縣五



臨江府○志曰禹貢揚州之域天文斗分野春秋時
 屬吳後屬越戰國屬楚秦為九江郡地漢初屬淮
 南郡後屬豫章郡三國吳為豫章安成巴丘三郡
 地隋屬洪吉袁三州唐因之宋淳化間以清江縣
 置臨江軍隸江南西路元改置臨江路明改臨江
 府領縣三

府州沿革二卷終

文化章末

